

七國春秋平話









七國春秋平話

後集
樂毅圖齊

中國古典文學出版社

七國春秋平話



字數：四六、〇〇〇字 印數：〇〇〇〇一四〇、一〇〇冊
開本：七八七乘一〇九二 耗冊二分之一 印張：二又八分之七
類別：文學——小說 書號：第七號 定價：二角九分

目錄

七國春秋平話卷上

孟子見齊宣王

齊人伐燕

鄒堅弑齊宣王

四國合兵困齊

孫子書請四國回兵

燕王築黃金臺招賢

樂毅興兵伐齊

七國春秋平話卷中

樂毅破齊

齊王出走

固存太子哭齊王

燕王傳位與丞相子之爲王

燕人立昭王

齊王貶二公子

蘇代請孫子救齊

孫子遇樂毅

燕王拜樂毅伐齊

燕齊大戰

燕王入齊報仇

樂毅會淖齒擒齊王

孫子反間燕王召回樂毅

七國春秋平話

燕王召回樂毅

田單火牛陣破燕兵

樂毅再圖齊

石丙追孫子

七國春秋平話卷下

袁達戰石丙

樂毅請黃伯楊圖齊

齊國宣鬼谷救孫子

獨孤角入迷魂陣

鬼谷擒畢昌

破迷魂陣

伯楊樂毅投降鬼谷

王孫賈射殺淖齒

齊襄王歸臨淄城

孫子說樂毅

孫樂鬥陣

孫子困樂毅

迷魂陣困孫子四人


鬼谷下山

鬼谷說伯楊

漁叟送陰書與鬼谷

孫子出迷魂陣大戰

四國順齊



七國春秋平話卷上

詩曰：

七雄戰鬥亂春秋，兵革相持不肯休；
專務霸強爲上國，從茲安肯更尊周？

又詩曰：

戰國諸侯號七雄，干戈終日互相攻；
燕邦樂毅齊孫臏，謀略縱橫七國中。

夫『後七國春秋』者，說着魏國遣龐涓爲帥，將兵伐韓、趙二國。韓、趙二國不能當敵，卽遣使請救於齊，齊遣孫子、田忌爲帥，領兵救韓、趙二國，遂合韓、趙兵，戰魏。敗其將龐涓於馬陵山下。有胡曾詠史詩爲證。詩曰：

墜葉瀟瀟九月天，驅羸獨過馬陵前；
路傍古木蟲書處，記得將軍破敵年。

其夜，孫子用計，捉了龐涓，就魏國會六國君王，斬了龐涓，報了刎足之仇。怎見得？有

周疊詠史詩爲證。詩曰：

曾嫌勝已害賢人，鑽火明知速自焚；

斷足爾能行不足，逢君誰肯不酬君。

其時，孫子排宴管待諸國君王。孫子掛了七國都元帥印，威霸諸國。就筵上致謝諸國君王。宴終，諸國君臣將士，各還本國。

却說齊王自孫子破魏之後，恃着那孫子英勇，南割楚之淮北，西侵韓、魏、趙三國，欲併周室爲天子。每年諸邦進奉，六國來朝。真個是威鎮諸國，勇霸天下。

〔孟子至齊〕一日登殿，設班之次，忽有開門大使奏曰：『今有一賢士，稱是鄒國人民，姓孟名軻，字子車，特來見王。』齊王大喜，宣至殿下，禮畢。遂宣孟子上殿，賜綉墩而坐。

王問孟子曰：『謝卿遠來。聞卿治儒術之道，齊桓、晉文之事，可得聞歟？』孟子對曰：『仲尼之徒無道桓、文之事者。臣未之聞也。無已，則王乎？』王曰：『德何如則可以王矣？』曰：『保民而王，莫之能禦也。』王曰：『若寡人者，可以保民乎哉？』孟子曰：『五畝之宅，樹之以桑，五十者可以衣帛矣。雞豚狗彘之畜，無失其時，七十者可以食肉矣。百畝之田，勿奪其時，八口之家可以無飢矣。謹庠序之教，申之以孝悌之義，頒白者不負戴於道路矣。老

者衣帛食肉，黎民不飢不寒，然而不王者，未之有也。」遂封孟子爲上卿。齊國大治。

却說燕王噲卽位以來，有其相子之專權擅政。那燕王老耄不能治國，欲慕唐堯、虞舜授禪的道理，欲將國政讓與子之做燕王。有燕國太子不肯，遂諫於父王。燕王大怒，把太子趕出燕國。

却有孫操得知，出班奏曰：「臣今有表，願王察之。」表曰：

「天之生民，爲之立君，立君所以治民。人生日用之間，不過君臣、父子、夫婦、長幼、朋友，五者各有一定之理。君臣之間，義同父子；內則父子，外則君臣。況我王太子，仁孝日彰，可爲民望。況子之有何德行，而國可以擅傳於人乎？願王歸太子於本國，誅子之於市朝，免諸侯興師問罪，則誠萬幸。乞我王聖鑒。」

王看之，大怒曰：「昔堯禪位於舜，舜傳位於禹。吾今傳位於子之。事已決矣，汝何諫爲！」〔燕王傳位與丞相〕遂傳位與子之爲燕王。孫操大罵子之：「賊臣，安敢欺君篡國！」子之大怒，遂令金瓜把下者。却有上大夫毛壽出班奏曰：「方今齊國正強，內有孫子謀欺姜呂，若斬孫操，恐其子孫贖報仇，誰能爲敵？願王將孫操囚之。」子之依言。

却說孫子在齊，忽有燕國孫龍，使人賁書入宅。孫子接得，是父書。書曰：

「燕王將太子出於外國，以位禪於子之。吾諫不聽。臣耐子之將吾囚於獄，吾命在旦夕，汝可速來救我。如遲疾，則父子不能相見矣！父孫操書。」

孫子看畢，大慟，罵曰：「無道燕君，吾當奏帝，興兵滅爾！」遂入朝奏帝曰：「臣啓我王，今有燕國丞相子之，篡君之位爲王，黜燕太子平於國外，囚吾父於獄中。臣乞陛下興師問罪。」蘇秦出班奏曰：「方今六國合縱敵秦，若大王伐燕，則構怨於諸侯，背涇水之盟。若秦合諸國攻齊，則吾國危矣。」王不聽，遂起兵與孫子伐燕。

〔齊兵伐燕〕孫子蒙聖旨，乞兵二十萬，章子爲元帥，袁達爲先鋒，李牧、獨孤陳爲殿後使。王依奏，令孫子爲軍師。

次早，講武殿交兵，起離齊國，逆邇行程。但見前排甲馬，後列軍兵，遙聞金鼓震天，遠望旌旗蔽日，刀鎗如霜凜凜，衣甲曜日輝輝，端的槍刀如蘆葦，人馬撮風行。不旬日，早至燕邦易水下寨。

燕國有細作，探得齊王令孫子伐燕，急報燕國子之曰：「齊王令孫子領大兵攻伐本邦，兵至易水，望大王疾速起兵退齊兵。」燕王子之大驚，宜召諸將行兵，燕王子之親征。令鹿毛壽爲元帥，市被爲先鋒，起兵十萬，離薊城往易水平地下寨。

却說孫子命章子拽兵與燕兵對陣。須臾，兩陣俱圓，擡出一員猛將，怎生打扮？黃金盔上偏宜爛熳紅纓，白錦袍中最稱光明銅鎧，手搭宣花月斧，腰懸打將鐵鞭，乃齊將袁達，厲聲高叫索戰。燕陣擡出一將，絳袍朱髮，赤馬紅纓，手把三尖兩刃刀，腰上雙懸水磨簡，乃燕將市被。二將打話不定，約鬥五十餘合，並無勝負，各歸本陣。次日再戰，袁達出陣。却有石丁肩擔清風利槍，出陣與袁達交戰。怎見得？詩曰：

二將逞英雄，盤桓兩陣前；

征雲籠日月，殺氣罩山川。

斧斫分毫中，槍爭半點偏；

些兒心意失，目下喪黃泉。

約戰四十餘合，袁達詐敗，石丁便趕，被袁達一斧砍落。只見金盔倒卓，便似一輪明月沉西海，綉靴踢空，有如天王托塔落雲軒。石丁已死。孫子令章子催兵掩殺。燕兵大敗歸城，閉門不出。孫子令軍圍城下寨，每日令兵攻城。

却說燕王子之與諸大臣議曰：「何人退得齊兵？」班部中有鹿毛壽出班奏曰：「齊兵英勇難退，望大王修國書，臣遣差使命往秦、魏、韓、趙四國求救。」子之依奏，即時修書，差使命

假粧商人，將國書出城。過了吊橋，被袁達拿住，問曰：『你是何人？對我實說。』其人不敢隱諱，答曰：『子之令我去秦、魏、韓、趙四國求救。』袁達搜出國書一道，乃是四國借兵的文字。遂被袁達扯了國書，殺了燕使。詩曰：

借兵欲救燕王難，不擬今朝刀下亡！

袁達謂孫子曰：『燕國遣使求救兵，被吾拿住殺了。』孫子令袁達領大兵攻城。市被奏燕子之曰：『四國救兵未至，即日城下，齊兵攻城。臣乞三千兵，出城退却齊兵。』子之依奏，即令市被引兵三千，出城見陣。兩陣俱圓，齊陣袁達出馬，打話不定，約戰四五十合，勝負未分。孫子出馬叫曰：『將軍如此英勇，怎肯助桀無道！況子之篡君之位，酷虐燕民。吾奉王命，特來問罪。將軍豈不見機而作？』市被喫孫子說了幾句，遂下馬降齊。市被遂引齊兵入城。

〔齊兵伐燕得勝〕齊兵奔入燕國宮殿，先擒了子之，見孫子。孫子大悅，令衆軍醢爲肉醬食之。遂救了孫操。

章子領兵殺入宮庭，擄掠嬪妃綵女，殺了故燕王噲，劫掠藏庫金銀，洗蕩燕宮。怎見得？詩曰：

六宮化爲荒草地，四苑變作戰爭場！

縱令齊兵擄掠燕國百姓。百姓有命者赴司投降，無命者橫尸暴露。孫子遂發官下燕郡，取討降書地圖，限十日赴司投納。至期，諸郡盡數投降納書。孫子取了燕國經理地圖，并金寶十車，遂領軍回齊。怎見得？詩曰：

鞭敲金鐙響，人唱凱歌回。

話非一日，孫子領兵回至博關下寨。

〔鄒忌劫孫子寨〕是夜，一陣風過。孫子言道：『主有賊兵至。』卽時令衆兵埋伏：袁達伏兵正南，李牧伏兵正北，獨孤陳伏兵正東，章子伏兵正西。空營內懸羊擂鼓，餞馬搖鈴。到得二更前後，却有清漳太子、鄒堅、鄒忌領兵一萬，直撞營裏來。見是空營，令兵卽回，恐遭孫子之計。四下伏兵並起。被袁達捉住鄒堅，李牧捉住鄒忌，獨孤陳捉住清漳太子。推見孫子，欲斬三人。孫子急叫曰：『不可！候入朝奏帝，分別是非。』遂將三人放了。

〔孫子回朝〕却說齊王設朝，金殿上淨鞭三鞭響，玉階前文武兩班齊。忽有孫子、章子二人，金階下山呼禮畢，奏曰：『臣昨蒙聖旨伐燕，遂擒了子之醢爲肉醬，衆軍食之，有故燕王噲遂被亂軍所殺。所得燕邦地圖，并金寶十車，獻上我王。』齊王大悅，遂問孫子曰：『今燕國』

已取，卿何不樂？』孫子曰：『臣有小事，不敢取奏。』王曰：『若何？』孫子曰：『臣昨回兵至於博關下寨，有國舅鄒堅、鄒忌并清漳太子引兵來劫臣寨。臣如不能持備，則臣今日不能見大王。』齊王聞奏大怒，令斬太子。孫子諫曰：『太子年幼，不知禮法，乞赦太子。』王依奏，赦了太子。忙排御宴，賞設孫子、章子。

齊王遂問上大夫孟子曰：『今燕國，或謂寡人勿取，或謂寡人取之，何如？』孟子對曰：『取之而燕民悅，則取之；取之而燕民不悅，則勿取。』王曰：『今燕國求救於諸侯，則何以處之？』孟子對曰：『臣聞七十里爲政於天下者，湯是也。未聞以千里畏人者也。天下固畏齊之強也，今又倍燕地，而不行仁政，是動天下之兵也。王速出令，反其耄倪，止其重器，謀於燕衆，置君而後去之，則猶可及止也。』王不聽，孟子致爲臣而去齊。

却說燕國被那齊兵殺盡，只見那鴉號殘照，草暗荒陂，並無人烟，滿眼黃花、紫蔓、荊棘遍地。怎見得燕國淒涼？有詩爲證：

宮庭化爲荒草地，六市三街今野營；

牢落燕邦齊敗後，夕陽殘照好傷情。

〔燕國立昭王〕話說燕國故舊官宦軍民，遂立燕國太子平爲昭王。昭王卽位於國破之後，

內施其仁，外布其德；君不矜尊，臣不施名；養老尊賢，教其術，畜其能，弔死問孤，濟寒賑貧，與百姓同甘共苦，輕徭薄賦，慎獄訟，實府庫，勸農桑，民富國強，衆安如堵。

且休說昭王政事。且說那齊王登殿，有公子田文、田忌奏曰：『願修凌烟閣、交赦院。』王曰：『爲何？』公子曰：『有功者上凌烟閣，無功有罪者入交赦院。』王曰：『有罪者誰？』魯王曰：『孫子自來於齊，數有大功，興爲上國，先生合上凌烟閣。鄒堅子父合入交赦院。上凌烟閣合受天子文武百官拜。入交赦院，令公人用不淨洒口。』帝從奏，令人修凌烟閣，圖孫子於其上。真個是孫子名標青史。

當日，鄒皇后聞之大怒，令宮奴宣孫子入宮。鄒后問孫子無道禮，交斬去。天子駕至，問孫子之根由。皇后曰：『如何孫子偏上凌烟閣，交俺父入交赦院？』帝大怒曰：『朕行宣詔已了，都被這父子壞損齊國威名！』遂命武士擒下皇后，欲斬。孫子諫曰：『不可因小臣壞了皇后。』王依奏，遂貶皇后入冷宮。

次日，清漳太子謁皇后於冷宮。后遂告太子因由。太子命二國舅鄒堅、鄒忌等來救皇后。

次日，鄒堅領五百兵就宅殺孫子，被袁達、李牧伏兵捉住見帝，令左右處斬。被鄒忌領兵